

**JAVNA USTANOVA DOM ZDRAVLJA  
KANTONA SARAJEVO  
GENERALNI DIREKTOR  
Broj : 01-03-11342-7/18  
Dana, 24.01.2019 godine  
Sarajevo, Vrazova 11**

Na osnovu člana 70. stav (1),(3) i (6) Zakona o javnim nabavkama ("Službeni glasnik BiH" broj 39/14), člana 38. Statuta Javne ustanove Dom zdravlja Kantona Sarajevo ("Službene novine Kantona Sarajevo" broj 40/13, 20/16), člana 17. Pravilnika o procedurama javnih nabavki i stvaranju ugovornih obaveza u Javnoj ustanovi Dom zdravlja Kantona Sarajevo i Preporuke Komisije za javne nabavke broj 01-08-11342-5/18 od 24.01.2019 godine, generalni direktor donosi sljedeću:

### **ODLUKU**

**o izboru ponuđača Diamedic d.o.o Sarajevo  
u postupku nabavke broj OP-47p/18 za Lot 2**

#### **I**

Ugovor o nabavci u otvorenom postupku javne nabavke broj OP-47p/18 , sa predmetom nabavke- **opreme za radiologiju za Lot 2-digitalni intraoralni senzor** za potrebe Javne ustanove Dom zdravlja Kantona Sarajevo, dodjelit će se ponuđaču: **Diamedic d.o.o Sarajevo.**

#### **II**

Po okončanju roka za žalbu, ugovorni organ će pozvati izabranog ponuđača radi zaključenja odgovarajućeg ugovora kojim će se regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupak ugovaranja.

#### **III**

Ova odluka objavit će se na web-stranici web: <http://www.judzks.ba>, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

#### **IV**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

### **O b r a z l o ž e n j e**

Na osnovu Odluke broj 01-03-11342/18 od 25.12.2018. godine, o pokretanju postupka javne nabavke broj OP-47p/18, pokrenut je otvoreni postupak sa predmetom nabavke opreme za radiologiju, za potrebe Javne ustanove Dom Zdravlja Kantona Sarajevo.

Obavještenje o nabavci objavljeno je na Portalu javnih nabavki dana 25.12.2018. godine pod brojem 29-1-1-120-3-173/18.

Ugovorni organ proveo je aktivnosti vezane na nabavku u skladu sa odredbama Zakona o javnim nabavkama .

Kriteriji za vrednovanje "**najniža cijena tehnički zadovoljavajuće ponude**" utvrđen je tenderskom dokumentacijom ugovornog organa.

Komisija je konstatovala da je za postupak nabavke OP 47p/18 nabavka opreme za radiologiju, pristigle dvije ponude i to ponuđača **Diamedic d.o.o. Sarajevo i Elemens d.o.o Banja Luka**.

Ponude su otvarane u skladu sa članom 63. stav 4. Zakona o javnim nabavkama, te su pročitane cijene kako slijedi u tabeli:

r/b	Ponuđač	Ponuđena vrijednost sa PDV-om u KM
1.	Elemens doo Banja Luka	Lot 1 = 46.741,50 KM Lot 2 = 42.108,30 KM Lot 3 = 9.301,50 KM
2.	Diamedic doo Sarajevo	Lot 1 = 46.794,15 KM Lot 2 = 42.102,45 KM Lot 3 = 9.354,15 KM

Analizirajući ponudu ponuđača **Elemens doo Banja Luka**, Komisija je konstatovala da ovaj ponuđač ispunjava zahtjeve ugovornog organa u formalno-pravnom smislu. Sa ekonomskog aspekta ponuda se uklapa u procijenjenu vrijednost. Analizirajući tehnički dio ponude Komisija je konstatovala da ponuda ne ispunjava traženo tehničkom specifikacijom i to:

#### **Za lot 1 – digitalni ortopan**

- ugovorni organ je zahtjevao u tehničkoj specifikaciji Aneksa 2a tačka 1.3 jačina struje cijevi od 2 do 15 mA a ponuđač je ponudio od 4 do 10 mA,
- ugovorni organ je zahtjevao u tehničkoj specifikaciji Aneksa 2a tačka 1.4 ukupna filtracija >2.5mm a ponuđač je ponudio ukupna filtracija > 2.8mm
- ugovorni organ je zahtjevao u tehničkoj specifikaciji Aneksa 2a tačka 1.5 Frekvencija 140 kHz a ponuda ponuđača 40 kHz.

#### **Za lot 2 – digitalni intraoralni senzor**

- ugovorni organ je zahtjevao u tehničkoj specifikaciji Aneksa 2a tačka 1.3 stvarna rezolucija min. 24 lp/mm a ponuda ponuđača za stvarnu rezoluciju iznosi 17 lp/mm.
- ugovorni organ je zahtjevao u tehničkoj specifikaciji Aneksa 2a tačka 1.5 dužina kabla senzora min 2.8 m a ponuđač je ponudio 2.7 m dužinu kabla .

#### **Za lot 3 – Interoralni RTG uređaj**

- ugovorni organ je zahtjevao u tehničkoj specifikaciji Aneksa 2a tačka 1.3 fokalna tačka 0.7 mm a ponuđač je ponudio 0.4 mm,
- ugovorni organ je zahtjevao u tehničkoj specifikaciji Aneksa 2a tačka 1.5 mobilno postolje , lako pokretno sa 4 točka a ponuda ponuđač ne ispunjava traženu karakteristiku.

Cijeneći navedeno, Komisija je konstatovala da ponuda ponuđača Elemens doo Banja Luka ne ispunjava zahtjeve ugovornog organa u tehničkoj specifikaciji za sva tri lota, te je Komisija ponudu ocijenila kao **nekvalifikovanu** u ovom postupku nabavke.

Analizirajući ponudu ponuđača **Diamedic doo Sarajevo**, Komisija je konstatovala da dostavljena ponuda ispunjava sve zahtjeve ugovornog organa u formalno-pravnom smislu. Sa ekonomskog aspekta ponuda se uklapa u procijenjenu vrijednost. Analizom dostavljenog kataloškog prikaza sa tehničkim opisima konstatovano je da ponuda u tehničkom smislu

ispunjava tražene tehničke zahtjeve. Imajući u vidu navedeno Komisija je ponudu ponuđača **Diamedic doo Sarajevo** ocjenila kao **kvalifikovanu** u ovom predmetnom postupku.

Cijeneći navedeno kao i kriterij za vrednovanje najniža cijena za nabavku **opreme za radiologiju**, Komisija je jednoglasno dala preporuku generalnom direktoru da donese Odluku o izboru ponuđača **Diamedic d.o.o Sarajevo za Lot 2- digitalni intraoralni senzor**, koji ispunjava zahtjeve ugovornog organa u formalno pravnom, ekonomskom i tehničkom smislu za ukupnu ponuđenu vrijednost ugovora za Lot 1 u iznosu od **42.102,45 KM** sa uračunatim PDV-om (17%) .

Komisija na dalje daje preporuku generalnom direktoru da dodjeli ugovor kvalifikovanom ponuđaču **Diamedic d.o.o Sarajevo za Lot 2- digitalni intraoralni senzor**, koji ispunjava zahtjeve ugovornog organa u formalno pravnom, ekonomskom i tehničkom smislu za ukupnu ponuđenu vrijednost ugovora za Lot 2 u iznosu od **42.102,45 KM** sa uračunatim PDV-om (17%) .

Shodno navedenom, generalni direktor Javne ustanove Dom zdravlja Kantona Sarajevo, donosi odluku kao u dispozitivu.

**PRAVNA POUKA:** Ponuđač koji smatra da je ugovorni organ prekršio odredbe Zakona o javnoj nabavci, ima pravo uložiti žalbu ugovornom organu, u roku od 10 (deset) dana od dana prijema Odluke o izboru najpovoljnijeg ponuđača. Žalba se izjavljuje ugovornom organu u pisanoj formi u dovoljnom broju primjeraka koji ne može biti manji od tri.

Dostaviti:

- **Elemens doo Banja Luka**  
Ul. Ilije Garašanina br. 1 , 78000 Banja Luka
- **Diamedic doo Sarajevo**  
Ul. Nike Kolumbića Šake 22, 71210 Ilidža
- **Javne nabavke**
- **a/a**

GENERALNI DIREKTOR

Mr.med.scij prim.dr.Fuad Husic  
spec.porodice/obiteljske medicine

